

次亭釋書

卷六

卷十六點

特別  
八四  
5587  
4





先亭釋書卷第五

慧解二之四

濟北沙門

師鍊

遠寺院



睿山安海

興福寺主恩

睿山桓舜

禪林寺永觀

睿山寬印

睿山皇慶

醍醐寺延殷

觀勝寺木圓

三井宗範

延義法師

興福寺永緣

傳法院覺鉸



大谷寺源空

高野山明遍

笠置山貞慶

梅尾寺高辨

○釋安海學智山興良尤精台教當賢義偶于  
黑谷禪愉愉難海才潛如金龍寺千觀所語  
曰安海豎義降之何如觀曰海學宏深待與  
子議愉信宿觀告曰海之議論不可以台乘  
屈也彼粗干密宗以悉曇章蓮華手種子字  
義抵之可沮耳愉受其策而歸至期始出  
台題辯鋒不可嬰也次出種子義海曰悉曇非

素也愉曰已号博涉蓋學乎海曰公之論柄  
鑿也每海豎義其配以佞學軋之凡六度海  
不伏曰直我道而已當時源信覺運爲台門  
兩輪海常曰慧心淺度揭厲可渡檀那深狹  
不過踰跨信法師作二十七疑問宋之知禮  
法師海見問目曰是等膚義豈須遠問乃作  
上中下三答曰宋國答釋不出我三種而已  
及禮答來海已死台徒曰禮之決釋多海之  
中下義也海之徒便持宋答及海釋如墓讀



祭時人曰海骨放光

○釋主思居興福寺學相宗有義學名于時睿山寬印負俊才不屑南北學徒獨言天下只有主恩當我顧盼耳思以唐語忤朝旨在繁之博多寬印又竄東州印曰思思西海印在東地日本宗乘已爲四字

○釋桓舜學延曆寺慶圓有譽當時東園日助遍救及舜世爲睿山四傑舜甚寥浪遊豆州說法溫泉神祠其夜夢神告曰師早還本山

必昇顯位舜如神言果爲法性寺座主天喜五年九月十日化年八十舜少患貧乃詣山主神祠祈福經年無應又如稍荷神祠其求如山主第七之夜夢婦人莊麗開殿戶來舜前手持片紙長二寸餘排舜懷貼胸而歸舜見其紙有二字曰千石舜夢中大喜適大賓入來儀衛甚都向婦人又自殿出接客曰高駕難動尊儀何事對曰桓舜有祈諸婦人曰法施七日懇到甚矣妾不得已已足其意客



曰我爲舜來也。舜曩求我尤切。我豈不堪與  
舜哉。然不者。其又有說矣。媼縱惠舜。正須奪  
焉。婦人驚曰。妾不辦也。早酬懇祈。妾之過也。  
然彼人尚在。即趨舜所。剥胸紙而去。舜夢中  
以爲此客必山王明神也。我頃年精祈神。猶  
聲也。今卻妨佗乎。大怨焉。婦人自客曰。奚爲  
拒舜。對曰。舜師終此生。當出陰界。若受富樂  
恐爲縛礙。故我令彼窮耳。舜覺後。歎山王云。  
釋永觀姓源氏。投東大寺。有慶學三論兼聞。

諸宗。晚歸洛東禪林。故居謝絕交徃。偏慕安  
養。作七寶塔。安佛舍利二粒。乃誓曰。我若生  
清泰。舍利必增數。明年成倍。又於藥王院造  
丈六彌陀像。當淨業。嘗以南京衆選申官領  
東大寺務。雖司鈐鑄。不受寺供私畜齋糧。以  
爲日食。性慈仁。常徃獄問飢寒。又多病。氣力  
微弱。而修學不弛。嘗言病者善知識也。我因  
病苦。堅進修。天永二年秋疾。語徒曰。昔出尊  
八十涅槃。我今歲同壽。不踰年取滅足也。十



一月二日沐浴而念佛異香芬郁中夜頭北面西而寂紫雲垂房壁  
贊曰才與不才猶如驥駘矣驥也雖神駿人苦齟齬焉若夫駘駘者妥帖如也然齟齬者豈驥之罪哉亦在調御之熟粗而已海之輕二師思之出庵語也驥之齟齬乎顧調御如何耳舜之患貧觀之辭榮道已同不相謀何哉

釋寬印事楞嚴院源信學業早成時宋人朱

仁聰在越之敦賀津信欲見聰拉印而往仁聰出接之壁間有畫像聰指曰是娑那婆演底守夜神也為資渡海厄所歸也師知此神乎信憶華嚴經中善財讚嘆偈以筆題像上曰見女清淨身相好起世間呼印曰子書次句印把筆寫曰如文殊師利亦如寶山王仁聰見之感嘆曰大藏者皆二師之腸胃也乃設二椅延之印後行頭陀法至丹州寺院側有大池里民結網尅日捕之印禁之不可印



夜到池畔振錫持念而去翌朝下網不得一  
鱗印每夜誦法華臨終時手執香爐向西念  
彌陀而寂

贊曰信印之二師者禦侮之才與彼仁聰雖  
嚮信之德義指夜神而爲言也異域之人亦  
當此方之學徒也二師若不記殆貽邦之辱  
焉於是信寫前句印繼後語二師之強記亦  
快乎夫二師者台宗之徒也至他家者雖委  
宗趣文句不熟者學者之常也況雜華之浩

瀚乎見二師之博通聰之大藏腸胃之言不  
爲過耳矣

性空

釋里慶姓橘氏黃門侍郎廣相之曾孫性空  
法師之姪也母孕時惡葷腥或食之應時嘔  
甫七歲登睿山近山下有柿樹絕不結子俗  
名其地曰不實柿兒到其處問此地何號人  
答以其名時餘樹有果兒白見今何有實乎  
至翠微有館亭降陟之人憇息焉故置藥湯  
而備渴乏俗呼爲水飲兒又問之荅者曰水



飲也。兒曰：何飲湯乎？上嶽頂小竹叢生，兒復問之。答曰：大嶽也。兒曰：何有小竹乎？語相近其幼敏機辯類此。從東塔院靜真學秘密宗至護摩灌頂梵字悉曇莫不研究。昔慈覺大師以瑜伽法授長意，意授玄昭，昭授智淵，淵授明靜，靜授靜真。世以慶為慈覺七代家嗣。慶游鎮西，有景曇阿闍梨東寺密傳之魁也。就探焉。雲器之悉付秘奧，并授弘法大師寶瓶，以為傳契之信也。慶有入宋之志，共沙門

寂照上舶時，鳩數千羽集于檣，逐之不起。船師曰：恐異人乘舡，乃下眾人。鳩尚不散，逮慶離舶皆飛去。人又曰：八幡大神留慶也。國俗為八幡使鳥慶夏於背振山有延慶者，顯密之英也。事慶為師，慶與般修法。慶誦驚發地神，偈印手按地，地大震。願誠般曰：慎勿語人。慶病頻，那夜迦天現形，手捧盃而曰：師疾篤，非酒難治。每朝願受一盃，不可局禁也。吾為護神，不暫離。天帝令我獻盃耳。其器大可半升，一



日於池上菴禮舍利舍利放光盈室詣四天  
王寺禮舍利本是三粒分爲八粒薄暮童子  
來身體偉壯慶怪而問汝何人對曰多時侍  
書寫空上人會役偷上人上供我不耐忿以  
拳加頭其人即死上人怒罵驅我去故投師  
焉慶與飲食童拱曰願加印咒易受耳慶使  
童數百里外不半時復命或令縹衣憑虛暴  
乏不用桁竿靈異甚多一時諸役列坐戲謔  
以拳打輔車逐次相授巡至童童辭曰恐及

大故諸列強之童纔下拳吐血殆殂慶聞擯  
去童泣曰背振山地動者堅牢善女天出現  
之時也我親見之故感德來也今遭磨斥悲  
哉萬壽中在波州刺史章任祝朝令修十臂  
毗沙門法天子感靈夢賜僧官慶爲法興院  
十禪師有同業覺運長慶者數十歲真病時  
啓曰師若不起令我依誰真曰少年慶汝之  
師也運蹤其言就稟密法竭禮敬長曆中有  
兩門之諍朝廷以慶之德望蓋一山寓譴於



慶慶曰宮事若急可省乙童時人以為慶之護法之言也永承四年七月二十六日滅壽七十三慶性好斗數奧域靈區莫不歷涉頃在波州夢山王明神曰何不歸本山便割其背出血三所因茲返睿山而寂其三血者表三派密傳也果門人長宴院專安慶各立門戶云

贊曰智證者弘法之姪也慶公又性空之姪也豈法種亦有胤與奚夫叔姪之相似而烺

赫也至山王明神指示血脉者曷寤寐之隔乎豈又慶之所得邪

共寂照入

釋延殷姓橘氏但州人年十六上台嶺禮慈仁受戒從靜照學山家法長保二年拜照入宋殷共之赴西海朝廷有議留殷惜偉器也後於景雲開梨處偕皇慶受兩部密法寬仁末厭憤閑居多武峯三學該練居數歲明使法師誘歸本山又入大原山與覺尋同房黃門侍郎源顯基投殷落髮乃與源沙彌上楞



廣院結茆同廬長曆二年春慈覺智詔兩徒  
率座主位殷厭之移住醴湖寺

釋木固居洛東觀勝寺縛小庵靜坐觀行諸  
徒在別房一時隣坊童兒被酒打狗狗悲吠  
甚固之徒此童童醉狂在燄止拍狗擊坊戶  
戶扉皆壞諸徒詣圓訴曰此童兒狂戾乞聞  
官治之此度若恕而聽之後日不可測也圓  
曰子等在此學佛着我訓之不逮也且我法  
以平等待有情一切含類自性清淨而無明

酒所醉煩惱鬼所亂狂醉不度我輩逢此宜  
發慈哀謂訓彼暴然子等見是獯獯卻益其  
忿不亦重狂醉乎子等豈不聞乎我門以六  
度之將攻六弊之賊施將亡慳賊戒將亡犯  
賊忍將亡恚賊進將亡懈賊律將亡散賊智  
將亡癡賊子等任慈忍之將嗔怨之賊不擊  
而自潰豈外假世俗官法乎子等在此經德  
學是等愚頑不堪共居也諸徒杜口而退後  
數日童主詣圓曰愚童狂醉撓師清眾我初



不知今日聞之，乞聽指揮，嚴加譴罰。圓笑曰：稚兒戲劇家之常耳。我徒恚之，添我不德耳。於見何患乎？童主以圓為長者，益加敬。釋宗乾，薩州刺史，父任之子也。從三井永範習學，有名。承曆三年，為大乘會講師。四年，寂勝會講師。凡官院講論，範多豫焉。故有博涉之譽。一日，異比丘來調範，問何許人。對曰：遙聞名德，趨自遐陬，屢抱小疑，願賜解惑。範唯唯，適赴小食，不久而歸。異僧不見，怪看外庭。

片雲在門上，雲中現金光。驕驕見師子，形諸徒驚望。雲影已沒範，以為文殊師利之應現也。應德元年七月卒。

与文殊  
論義

釋延義止。南京有講學譽。一日，天地院啓講肆，七大寺皆會集。義為講師，時七寺眾皆學于義，以故講場無詰義者。俄有一老翁驕駘，詰如也。出眾立三番論義，其語巧敏，眾人異之。義下一答，折翁曰：三種論義，一答已成。一答未決，一答不成。然初果之位，頗為佳耳。我



是又殊也言已忽然不現凡義感文殊三回  
贊曰靖退者吾黨之美也殷圓其庶幾乎辯  
乎圓之訓乎範義之感吉祥也慧乎進乎  
釋永緣姓滕氏吏部郎中永相之子也母遠  
州刺史江公資之女緣九歲喪父母携赴南  
京憇柝森于時興福慈善受維摩講師詔赴  
賀於洛都儀衛甚盛母語兒曰汝父已亡我  
寡不能字故將汝隸業于南寺安得如此僧  
都汝其易乎然我已老又不能見矣言已撫

髮潸然已而無事一乘院賴真性甚聰穎習  
學日新應德元年稟維摩講詔時年三十七  
母歿而又矣遂赴賀於柝森忽念母昔訓感  
泣不進僕位行緣曰汝等不知昔我九齡伴  
母氏息此地先妣誨勵能成我也林木如舊  
昔人非我豈可堪乎宜乎遲遲吾行也僕隸  
皆反袂後旬當七大寺道福益賑乘輦入宮  
天眷停渥天祐二年四月五日亡歲七十八  
贊曰下齒於伏壤西叔可待矣若夫磽确尚



奚事哉緣公者縑田之沃壤乎然其母適于  
孟母也矣何也纔一遷而已耳

手將門後說

釋覺錢姓平氏肥之前州人將門之屬也  
累代武略其父負勇名鄉黨敬畏錢見推  
爲我父天下之豪貴也一日官吏促租到家  
喧呼放戾父居屏處不出家有比丘兒問曰  
今何人乎辱我尊丈尊丈又盍似平時之勇  
壯哉比丘曰官吏課租汝父豈可忤乎兒曰  
誰爲之比丘曰刺史也凡州界無不聽刺史

之今者汝父亦刺史之有耳兒曰我始謂天  
下之貴人惟如我父猶有刺史乎比丘曰刺  
史不自貴承于宰臣宰臣不自貴承于天子  
天子亦四海之至尊也汝之稚孩何父之謂  
哉兒良久曰有至尊之過天子者乎比丘曰  
有有道有天界人主者皆承制也兒曰有踰  
神天乎比丘曰有兒曰誰乎比丘曰佛也兒  
曰有過佛者乎比丘曰無過斯故曰無上世  
尊兒曰可得聞乎比丘曰佛有三身法報化



其訓有二顯密也三身之中法身為寂也  
二訓之內密乘為奧也若夫三身二訓者非  
小兒之所宜聽矣兒曰世人有益佛位者乎  
比丘曰方今刺染之者皆彼徒也其間勤修  
精敏之者必得其位兒曰其人何在我就而  
尋求焉比丘曰紀州高野山者弘法大師定  
隱之地地彼有定尊阿闍梨千密學子其  
往焉自是志遊學會親知携入京投仁和寺  
昔弘法誠其徒金剛乘者兼學相宗依之其

師先令鑒往興福寺從慧曉習唯識一夕夢  
貴婦人抱鑒居膝上摩頂曰汝雖大法器恨  
非我寺寶汝於佗山必恢密教而我又可擁  
護汝我是春日明神也保安二年回仁和稟  
密灌其夜場室有光香又隨覺獻僧正受三  
井秘密灌頂其餘密學支法無不研究鑒幼  
聞在耳便上高野親定尊益極秘奧鑒於高  
野建傳法院欲以幹事聞王庭先躊躇宮門  
初天仁上皇不豫私祈弘法大師上皇夢一



沙門自南方來手執柳枝灑香水覺後病差  
適眄宮門見鍔儀狀宛如夢僧宣問從來敬  
崇日熾上皇捨莊田充學供又上皇詔鍔入  
宮先夢白蓮華生殿中某所鍔應詔來必坐  
蓮所常常如此因茲益渥睿信鍔因幹事將  
赴西別先詣稻荷神祠持念加護忽一女託  
曰明神傳語上人莫遠行只早歸紀別吉野  
河側必得所求果於吉野得石平莊契券鍔  
一日往藤相國忠通第相國下庭迎拜鍔問

哀  
中也

故相國曰弟子今夜夢大唐國慧果阿闍梨  
到此宅今師至恐後身乎鍔曰我自少年擔  
弘密乘凡聖雖異志趣惟同如相國夢聞梨  
納愚衷乎鍔在車中入堂一時真然僧正弘  
徒於院北角現形曰吾託子興專寺為密  
教於時鍔徒聖順親見之鍔在密嚴院告弟  
子曰狂狗入傳法院破汝其驅追其徒奔至  
傳法院果然鍔始在高野也永尋法師語曰  
此山太師定後廢祀相仍祈親維範明筭之



補苴經漏不能復元今子器宇宏偉必任  
此責蓋負鼎乎以故鏐勤興建傳法密嚴二  
宇踰越先矩雄博壯麗康治二年十二月十  
二日卒年四十九

贊曰世言鏐營傳法新院羸干本寺寺徒嚙  
之覃鏐之入定欲殯之蓋嫉配始祖也鏐元  
持不動尊寺徒鼓噪入鏐房不見鏐只不動  
之二像在焉胥議曰其一像必鏐也百計攻  
治遂受狼狽今考鏐事無之豈其徒諱而不

言邪殊不知是鏐之奇事也惜乎鏐也能入  
佛界不能入魔界也然中世以來如鏐之比  
鮮矣可謂觀成閼梨乎哉

法然

釋源空姓潘氏梓州稍崗人也父時國母秦  
氏父母無子祈佛神母夢吞剃刀覺語于天  
夫曰汝其有身乎恐蕪染之人矣因而孕母  
不如葷腥長承二年四月七日生頭圩而後  
眼黃而光宗族異之至四五歲舉止動向西  
九歲父被寇害一家噪述空自屏處偵之以



小弓矢射寇中其眉間寇若源長明寬治帝  
之衛曹也為其額瘡可證發遂隱而終身時  
呼空為小矢見郡之菩提寺觀覺聞之乞為  
弟子性喜習學覺嘆曰此器兒何可居草澤  
乎送與延曆寺源光光曰此童駿驥也非吾  
所索之所羈也即投功德院皇圓剝落受戒  
時年十五三期之間通受台教又從黑谷睿  
空稟密乘及大乘律凡大藏經律論作宗章  
疏靡不檢閱空於教義有自得處欲質其所

謂康俊述唯談諸摩羅演雜華三師皆嘆  
歸於師承也因是俊贈供物雅寓章疏空自  
語曰我讀書三遍其義自彰不勞苦而已又  
曰八宗之外涉佛心宗於九教相粗得幽致  
晚見信師往生要集乃棄所業倡淨土正念  
之宗承安四年出黑谷居洛東吉水盛說專  
修及圓頓菩薩大戒緇白靡然向風嘉應帝  
召入宮受戒藤相國兼實延問淨土之事空  
述選擇集呈之專修之徒取為秘要顯重靜



嚴明通證真公胤皆縑林之翹楚也從空問  
專念之道空修法華三昧白象現道場又讀  
華嚴几案下有異小蛇其徒信空怖之捕去  
次日蛇又在焉又避之其夜蛇夢空曰我是  
華嚴之護神也莫畏也其後蛇猶蟠几下空  
又不怕經竟蛇不來矣皇太后於上西門院  
誦經一七日說戒門屏上有一蛇七日之間  
屈盤不動每說時有側耳勢至散目而驚其  
頭裂爲二其中髣髴似人形空謁藤相國干

月輪談話而出相國下庭拜背後語左右曰  
空公頭上現金圓光子等見乎對曰不見自  
此相國益加敬空念修久勤屢感勝相手筆  
自記曰建以九年正月一日修一七日念佛  
第二日水想觀成第七日地想觀中瑠璃地  
現二月一七修之間水想地想寶樹寶地宮  
殿等現正治二年二月之修地想等五觀隨  
意顯現元久三年正月四日彌陀觀自在大  
勢至三像現室中五日三像又具建永二年



春二月竄謫州居五稔空曰吾不因謫幸布  
專修之道於海粟乎亦我一化之幸也建曆  
元年詔追赴都城二年正月居大谷染疾其  
徒安彌陀像於床頭且爲臨終助標空曰此  
像外汝等有所見乎諸弟子曰無空曰我十  
餘年來存視極樂界相及佛菩薩具身又  
佛來也二十五日朝高唱佛號諸徒助和又  
而皆聲喧空獨不哀而至午時其後著佛持  
之慈覺僧伽梨頭北面西誦光明遍照偈而

建曆二年八月十六空亡之前二三日紫雲  
降垂坊上

贊曰修多羅有一相一行二三昧專勤精修  
之謂也空公之倡專修於稱號也資干此乎  
夫多岐亡途元元皆是專修之言又孔鑿矣  
然廢勝業斥佗宗雖質徒之執弊恐空之訓  
有少盡乎蓋廢有二種自佗之異也自廢無  
容他廢矣歟昔者蒯通曰臣唯獨知韓信非  
知陛下也故置漢高之亭里克曰不有廢也



君何以興故受晉惠之誅澆季監叨不當專  
徒諸家末流漫漫競趨是以我剖二廢之別  
諗于後學

釋明遍藤給事通憲之季子也才氣貫諸哥  
給事死已十三年一家緇素欲相會修八講  
蓋國俗逢亡者十三迴之歲營追薦者十二  
支然而始述先文而寓追慕以給事多子皆  
英特也細林尤茂所謂靜賢澄憲勝覺覺憲  
及進也諸子相議以覺為啓白師克遍散導

少納言  
信誠  
明遍

國時遍鄉棲紀州高野山蓋疾名緇之官  
榮也諸兄使使告事遍對使者曰我已逃世  
隱約此地雖追孝不堪出也使若復命諸兄  
相語曰遍才智被世我等不若也故晉議為  
散師也今言逃世之人不與法孝豈遁世之  
士忘孝忠乎重使使者微詰促歸遍又曰我  
非忘孝也只怕入諸兄之隊耳所以者何夫  
逃世者吾棄世世又棄吾然而衆人不齒是  
其趣之全者也而世棄我我不棄世者吾人



也我棄世世不棄我者今之諸名德也二者  
未為真趣也諸兄咸南北二都之高德也我  
廁其間効薄伎憤孤鳴已失隱約之素志  
朝廷聞吾出召我我無地辭矣我非忘孝思  
也使以友黨當代法事入京諸兄相語曰遍  
弟稚時議論屈我等我等今又受屈耳聲一  
相傳為真趣之美談焉臨亡之時祥瑞尤多  
論曰甚矣士之不耳道也苟耳於道遍不發  
則言空諸哥又不服矣世復不為美談矣三

推

者由弗耳道之愆也請揚推而陳之焉夫通  
及諸兄何為者乎皆緇徒也緇徒者何為者  
乎逃出之士也其逃世之標者禿其頭也緇  
其服也練若其居也多羅其器也豈非趣之  
標乎是以世貴其儀相以為福田故歸而事  
敬而饗王公之者寵以僧官祿以封戶皆  
福田也吾徒正當是時應以法相交而不移  
心矣然澆代人滴焉受茲淫遇換易本法不  
見我身之緇禿與搢紳相比並觀覩苟容搖



尾乞憐嗟乎吾道衰者尚矣是緇侶之所以  
有遜言也通愚則我不遑誅矣已稟高舉曷  
例唐緇而容易發遁之言邪又父母者天也  
不受刑已受即不可廢也孝子之於親也甚  
於水火矣通縱不緇而爲巢許之行於此時  
不得一不出山也況我徒乎我佛設道也先  
立孝矣故修多羅曰孝順父母又夫吾門超  
卓之士父母之在也或有逃逸而逃命者然  
拒追修者未聞矣何也逸逃者反常而合道

也若夫追修者曷反之有通何爲者乎始聞  
大逆乎蓋通絆於名而暗於道乎假令通聞  
諸兄請出山追薦而速歸者出入爲有小體  
焉而釣高名怠孝思卻造語而言朝廷召  
我無地辭者皆賣名之言矣夫公私者事之  
差也今遍赴父追修者私事也真假於公矯  
於朝乎通之昧於理也至於此矣蓋通不  
以道爲標而以遜爲標也故標其父以遜也  
標其君以遜也標其兄又以遜也標其母



人又以遜也痛乎為遜所覆而終不耳道乎  
夫真遜者與遜共忘矣若懷遜於心猶利之  
在心者又一遜利也隱人之為遜溺也譬如  
世人之為利溺矣若有所溺利之與遜同又  
人之心有移者必忘矣思天而忘地矣思東  
而忘西矣通思遜而忘孝然不忘者妄也世  
人造而妄者有之矣不知而妄者有之矣通  
者不知而妄者也為人子者孝思不可須臾  
離矣況於忘乎不可言遠近於其間矣又思

有厚薄其薄者忘之萌也今通心移於遜薄  
於孝豈不漸於忘乎君子防微通不知之而  
言不忘者不知之妄也今民間悖戾之者猶  
遭親喪痛哭深慟一朝而息是通而厚通而  
薄者也君子不然終身不忘若忘者非所謂  
周極之謂也又通筭父之忌自出山與諸兄  
營法事者是通之常也然通忌受請而出已  
晚矣重造不遜詞而誣諸哥或出人通之責  
不矣吾故曰三者弗耳道之愆也矣



信誠  
孫貞憲

釋貞慶麻給事之孫尚書左丞貞憲之子也  
母夢高僧來宅自稱曰貞慶言已入懷自是  
而乳母記而歲之荏染後奉書於母曰貞  
慶母少之期慶以累世之比丘也投明福寺  
出家有才譽應取勝講詔慶居貧乏資借衆  
僕公人以故役於會官使催之逢于路相捉  
入宮會衆先坐堂上莊服肅然慶弊衣而至  
官僚緇伍皆匿笑慶謂正今釋子不率法儀  
只競浮誇我不可與此徒爲等伍官講五日

其夕如也講已不還南京止山州竺置  
官高名籍甚元曆上皇好楊柞遊能射鹿暮  
年悔懺營佛宇薦鹿福聞慶德望召爲落慶  
導師慶徒步攜筇破笠在肩入宮以杖笠置  
階側位上殿陛意氣自若上皇以下貴其朴  
素既而登座詞辯婉暢因譬莊嚴交以鹿苑  
事君臣無不感嘆慶詣春日神祠群鹿皆折  
前足云

贊曰爵祿者世事也吾寧蔑視焉然願得圖



動絆繫於此矣。今見慶師之憤激也，可謂烈士乎？

柵尾明惠上人

釋高辨，姓平氏，紀別在田郡人。父重國，嘗爲嘉熙帝衛兵。曹二親各詣佛祠求子，母夢有久授柑子，其妹適並就卧，覺而語之。妹曰：我又夢人與我大柑二顆，姊曰：我當得，便被奪妹之所夢，不徒耳。尋而有孕焉。承安三年正月，生，形負端麗。甫四歲，重國戲以烏帽安頭，曰：如是美兒，安得早長成？加冠巾，登仕途時。

兒私念我，慕官屬若以容質拘之，不如毀膚，即自投庭下。傍人以爲失腳，奔忙救抱，兒不果志。畜憤不霽，亦近火爐，欲以火箸熱其面，先試著左臂，熱痛不可忍也，即止而泣。稚孩勵操多類，此九歲父母繼亡，離宅從高尾山上覺讀，俱舍頌，不旬日便能誦一日。與群兒遊戲，忽猛省曰：我父母不知生何處，若墮三塗，思彼劇苦，我何逞戲笑乎？若在天界，天眼無礙，定見於我生平，呵責今豈有



異熟憶二事吾何戲劇縱人不言我不愧哉  
爾來益勤所業十許歲早事游學聞密乘沙  
尊實習雜華於景雅有尊印者善悉曇章附  
而學印屢煩微詰兒又有歉然之思一夕夢  
梵僧授深義覺而質于印皆印之未聞之者  
也印感怪焉年十三自念言諸佛因修不惜  
身命救鵠飼虎古規可式我已稍長豈憚苦  
行夜潛往屍陀林骨肉散零豺狼縱橫兒雖  
忍而止宿徹曙無傷害又歸文殊師利

日持五字咒誓曰願依十聖如彼得如實智  
救濟有情十六就上堂剃落於東大寺戒壇  
受具寺有聖詮者善賢首宗請益日新十九  
從興然阿闍梨稟兩部密法自備止北山梅  
尾盛唱賢首宗戶部尚書長房語曰弟子頃  
讀金師子章未明其旨願公加詮釋辯乃撰  
光顯抄二卷付之嘗曰我國慧學之者多而  
定修之人希矣以故學者闕證道之門焉是  
我之太患澆季之弊也便於北峯嵒窟構一



宇禪宴忌惟五門禪要達磨多羅禪經等以  
爲心術又依華嚴宗義撰坐禪次第并入解  
脫義二卷常修佛眼明妃法一時初夜供已  
出堂外行道念誦忽見西方群猪行東其先  
者背負大星其數五光明爛然其夜甚黑因  
星光羣猪皆見或時佛眼重現其身又夢明  
妃告曰明日授汝般若理趣分翌日午供壇  
上有誦理趣之音其聲妙細供竟采筆記之  
忽忘經句瞑目乞指授又有誦聲其韵如先

又修不動法其場忽成花苑寶華彌敷奇香  
薰郁綢幢幡鈴寶飾具足其寶鈴右遶辨身  
梵僧三十餘人手執香爐歌頌讚歎又修供  
之間呼侍者良詮曰一虫落桶裏汝早救之  
詮見堂外水桶果一蜂落浮又修法中告詮  
曰竹林中小鳥爲鷹擊汝其濟之詮入篋果  
如言一日截耳供佛眼其血灑像壇及供器  
其色不變今尚在其夜夢沙門具梵相告曰  
三世諸佛身肉布施子其庶幾乎讀華嚴至



第二十五如來在他化自在天宮說十地法  
門之句天莊嚴相顯現目前舉眼瞻仰文殊  
大士乘金毛師子在空中長三尺許光明赫  
熾解不耐感幸起立作禮辨病夢梵僧感一  
杯羹與之覺後餘味在口即時疾愈梅尼者  
古練若之地廢圯久矣辨居此復院宇承元  
二年還紀別於內崎山創伽藍四年又歸梅  
尾寬喜四年正月十五日夜對彌勒像禪坐  
入觀傍人看之如無氣息於時尊像寶座左

角寶珠忽上香煙漸上如雲其像譬若在天  
雲中於是辨又口中放白光移刻出定告諸  
徒曰我期已近便宣臨終法儀十九朝廣說  
修學始卒竟右脇而卧又舉聲唱曰南無彌  
勒菩薩即寂爾閉目面有微笑貞年六十喪  
歛之間容色不變奇韻弗竭

贊曰中世以來賢首之宗不振矣辦公以純  
誠之質立鑽仰之志故毗盧華藏之海迴倒  
瀾普賢毛孔之刹復侵疆見其稚操之激勵



宜乎中興之才器也豫章從小有梁棟者辨之謂乎

元亨釋書卷第五

元亨釋書卷第六

淨禪三之一

濟北沙門

師鍊撰

唐國義空

睿山覺阿

永平寺道元

長樂寺榮朝

松嶋寺法心

鷲峯覺心

宋國道隆

宋國普寧

淨妙寺了然

東大寺普門

南禪寺德儉

福



釋義空唐國人事監宮齊安國師室中推爲  
上首初慧萼法師跨海覓法吾皇太后橘氏  
欽唐地之禪化委金幣於萼扣聘有道尊宿  
萼到杭州靈池院參干國師旦通太后之幣  
國師感嘆納之萼曰我國信根純熟教法甚  
盛然寂上禪宗未有傳也願得師之一技佛  
法爲吾土宗門之根柢不亦宜乎國師令空  
充其請空便共萼泛海著大宰府萼先馳奏  
歡迎空館于京師東寺之西院皇帝賚錫甚

渥太后創檀林寺居焉時時問道宮僚得指  
受者父中散大夫藤公兄弟其選也萼每入  
支那乞蘇州開元寺沙門契元勅事刻琬琰  
題曰日本國首傳禪宗記附舶寄來故老傳  
曰碑峙于羅城門側門楹之倒也碑又碎見  
今在東寺講堂東南之隅  
贊曰予求碑刻而無矣乃如東寺親摸印之  
其碑破而存者四片大者徑二尺餘小者或  
不盈尺額之左右蟠龍倬如也雖頭角不完



鏐甲燦然也其文殘缺句讀不成而其字畫之存者亦甚鮮明雖非妙筆頗爲楷正予便印四片者而歸上之下之左之右之百計剽閱少可明也世言摘后問密法於弘法法盛稱之后曰更有法之邁之者乎法曰大唐有佛心宗是達磨之所傳來也熾行彼地空海又雖少聞之未暇究之耳因茲后使輩扣問靈池今碑雖文句不成斑斑或見焉世之所傳不徒然也昔六一居士有集古錄一千篇

周秦之碑刻多載之況隋唐乎惜乎此方之好古之君子今猶不見碑之全文乎因修此書見殘碑予之贅詞不得不似跋尾耳矣釋覺阿世姓藤氏幼上睿山習學有聲傍親文墨善梵漢書嘗聞商客稱宋地禪道之盛奮然志遠游遂以承安元年共弟金慶踰溟達干杭都乃孝宗乾道七年也時佛海遠禪師踞靈隱道價高輦下阿至其室遠問我國風阿未通語音便書曰國主無姓氏號金輪



王一種系授未有移革僧無進納而講義高  
者賜度風俗和順奉佛歸僧然無禪法只講  
五宗經論風聞德義特詣函丈願傳心印以  
度迷津且如心佛及衆生是三無差別離相  
離言假言顯之禪師乞垂開示遠曰衆生虛  
妄見見佛見世界阿又書曰無明因何而有  
海便打阿即語遠陞座決疑明年秋游金陵  
抵長蘆江聞鼓聲忽然頓悟始知佛海垂手  
之旨趣返靈鷲述五偈呈所見其一曰求真

滅妄元非妙即妄明具都是錯堪笑靈山老  
古錘常陽拋下破木杓海印其所證阿辭海  
書偈贈行阿歸朝後安元之始附船便通信  
于海水晶數珠綵扇等二十事貯以寶函海  
喜而受之壬寅復通嗣書海已寂矣或曰嘉  
應帝聞阿禪行召問宗要阿橫一笛吹之應  
制時機未終君臣莫測惜哉化行不聞乎  
釋道元姓源氏京兆人紳纓之胤也始謁建  
仁明菴庵爲法器後乘商舶入宋地見天童



如淨禪師淨付以曹洞宗旨歸來闢法干城  
南深草平副帥時賴招以名藍不就乃如越  
州構精舍而居名曰永平禪寺叢規一則太  
白建長五年八月二十八日告衆書偈化壽  
五十四

贊曰阿元之二師者參遊之選也阿之契於  
公泉元之稟於太白見其自大方而來不亦  
悅乎阿之迹不多見可惜而已然猶見取雷  
菴列於四燈不爲大息焉元之化播北地不

及中土亦能無遺意矣

上野長樂  
同山也

釋榮朝粹密學從建仁西公稟宗門要旨居  
上野之長樂禪苑盛揚真化東方道俗超化  
如歸寶治元年九月二十六日戌時滅于時  
寺內甚明徒衆相語曰昏夜之明豈有是等  
之煥赫乎采筆記事過干炸燭寺傍民家望  
寺以爲失火急奔入寺見朝之坐丈室而化  
壽福朗譽東福圓爾皆朝之徒也  
釋法心過壯歲出家不知文墨聞衲子之稱

法心  
松島  
真列



宋地禪行駕商舶入臨安徑登徑山見佛鑑  
禪師鑒於圓相中書丁字示之心止席下單  
提研究性堅硬耐禪坐骨臀腫爛而不撓者  
九年初持丁相於萬物中現丁字心不屑漸  
經歲序始得平穩歸朝居奧州松嶋臨終先  
七日謂徒曰某日當取滅然心無恙侍僧不  
信到期齋罷坐禪床侍僧乞遺偈心元不克  
書即唱曰來時明明去時明明是箇何物止  
而不言後旬侍僧曰猶欠一句望足之心應

由良  
心智人

聲喝一喝泊然而化

釋覺心姓常澄氏信州神林縣人母祈戶歲  
山佛求子一夕夢佛以燈手授覺有娠焉少  
小無塵累之操年十五投神官寺讀佛書十  
九薙深受具于東大寺乃上高野山涂指於  
三密也因而謁金剛三昧院行勇於是乎志  
慕教外之旨易服親炙勇遷相之龜峯心主  
紀綱又稟金剛乘於三論道得菩薩戒於深  
草元遂入上都見勝林順順者入宋之望也



益深南詢之志建長之初泛舶蹈宋城直趨  
雙徑禮癡絕冲寓一單於廣衆簡堂外之步  
屨而機語不契乃事徧遊參荆叟千道場并  
應真于天台育王之寺大梅之塔浙東靈區  
足跡皆遍適值本邦同參源心者問曰我同  
旋諸老之間者久矣而以吾眼之不明也暗  
于知人焉雖吾之暗庶幾見人之明乎子已  
熟於地矣又不有聞邪對曰我之暗猶子之  
暗而我之聞寔不似子之聞也是子之所謂

熟者乎靈洞護國佛眼師我所熟聞也乃相  
將至護國佛眼問曰汝名什麼對曰覺心眼  
乃示以偈曰心即是佛佛即是心心佛如如  
亘古亘今又微詰數四即受印可寶祐二年  
春告別佛眼以月林語對御錄無門閑等付  
之又授偈曰心即是佛佛即心心佛元同亘  
古今覺悟古今心是佛不須向外別追尋又  
寫照贊曰用迷子訣飛紅爐雪一喝當鋒崖  
崩石裂化死蛇作活龍點黃金爲生鐵去縛



解粘抽釘拔楔。史將佛祖不傳機。此界作方  
俱漏泄。心辭而出。發于明著。博父乃建長六  
歲也。隱高野之故居。明年出世。于金剛三昧  
院辦香供佛。眠趺歲通。嗣書慰答切至。弘安  
四年。文應上皇詔居城東勝林寺。至化難逃。  
勤老入都。奏對愜旨。聲振輦下。然以帝里繁  
喧。忤于禪宴。不幾潛回。紀之舊院。永仁三年。  
諸徒出衣資。建壽塔于都城之西北。扁庵曰。  
歲寒乞心。瞻遊心不得已。又入天邑。上皇優

禮迎請。咨詞禪要。心雖老。奏對詳精。上皇益  
欽歎。緇素輒問禮謁。又願心之終焉。此居心  
亦潛歸紀州。初心自宋歸。海風俄起。波濤怒  
鼓。一舩震懼。心安坐不動。忽月輪現。檣上頃  
刻風波恬如也。謫輩元多妖魅。有涉境者。必  
遭惑亂。心居于此。屢見怪異。心一一降攝。或  
授戒法。自爾魅事息。心登熊野妙法山。青天  
忽呈祥雲。下覆正應。四年晴空。太雷墜。巖峰  
之東嶂聲聞四十里。諸徒恠至。雷所有一顆。



寶珠心乃埋珠鎮山門始心遊遊巖峯樂其絕  
勝營構梵宇名曰西方寺棲此四十餘歲化  
被被南紀詣熊野者取路路就峰必忘禮謁不則  
爲虛行西方之寺產業實而往來數千指心  
以寺寺宴頗拒之或有有齋齋糧而至縛茅樹下時  
時乞諮參者庚申歲佛眼以書寄法衣一頂  
七葉圖一鋪月林體道銘并賜對段錦誨語  
諄諄心又每舶便音問不缺一時寄水精數  
珠眼以偈報曰百八塵居顛顛圓遶天鼻孔

一齊穿恒河沙數佛菩薩日日呼來跳一圈  
其同風可可占也永仁六年四月十一日示微  
恙緇白省問相繼已而輕安十月十三日道  
俗酬酢如常入夜神色有異諸徒怪乞辭偈  
心笑曰我生平屏文墨今何特地乎徒曰師  
今歛儀端坐恐告終與對曰諾乃蛻然而逝  
龍運八日氣負如生茶毗得五色舍利壽九  
十二臘七十四分塔于都紀心堂以趙州狗  
子話舉示學者或曰今起是病不續是藥或



曰一切善惡都莫思量四來之扣請只舉單  
提之要於時指施家為禪窟救謚法燈禪師  
贊曰道不在夷斐焉吾見朝心二師身居東  
鄙名塞寰宇善哉心之末後句子以一喝蔽  
四句其高妙之格所謂不經人道之者乎法  
燈存承宸衷動迴舊隱吾謂三子者居夷  
德復者也矣

建長寺  
開山也

釋道隆宋國西蜀涪江人也姓舟氏年十三  
薙髮於成都大慈寺遊學講肄弃而理峽棹

入湘見範無準仲癡絕簡北礪諸大老皆無  
所契漸屆陽山依無明性禪師性室中舉東  
山半過窓檣語隆聞有省嘗聽東僧之盛稱  
國光及禪門之卓昧常志游化遂以淳祐六  
年棄前船著宰尉本朝寬元四年丙子也乃  
入都城寓泉涌寺之來迎院又杖錫赴相國  
時了心居通谷山隆掛錫於席下副元帥平  
時聞隆之來化起居樂寺軍務之暇命  
駕問道平帥乃啓福之基趾構大禪苑請



隆開山說法東開學徒奔騰佇聽一日示衆  
曰參學人日用中雖履踐這一片妙湛靈明  
甲地然於其中不識祖翁者多若識得祖翁  
我且問你果券今在何處得契券之後此一  
片甲地任汝操持今時人全身在裏許而不  
知裏許事者病在何處蓋不了目前便有許  
多萬緣萬境入汝眼內入汝耳中眼又不曾  
收視耳亦不能返聽未免只隨聲色所轉無  
自由分此乃非佗所障是汝自障自障者何

不會卻物只管逐他所以道却物爲上逐物  
爲下今日示衆曰諸兄弟究此一段大事如  
三冬之內向寒爐中埋火一般常令煖氣不  
斷忽然通身上下徹骨冰寒開口不得時須  
假佗力雖然箇是引導之門在滿兩袖僧分  
上須是向吟騷賦中搜討清淨淡處體究挨  
得路通著得眼滿然後傲雪欺霜呵風詭雨  
揔不由別人收也在我放也非佗未到此田  
地須是自信自修自悟始得信者信佛祖有



無傳而傳之妙修者修自家欲達未達之場  
悟者悟現今迷頭認影之所此猶是大槩之  
辭若按實而說做工夫時各各陡頓精神莫  
隨境轉虛靈自照動靜返窮窮至無窮終有  
倒斷時節居十三年遷平安城之建仁都下  
緇素欽挹禪化逢開山千光忌上堂曰蜀地  
雲高扶桑水快前身後身一彩兩賽昔年今  
日死而不亡今日斯晨在而不在諸人還知  
落處麼良久曰香風吹落花更雨新好者自

此寺衆加畏愛焉寬元上皇聞隆道譽召見  
宮中隆奏一偈曰夙緣深厚到扶桑赤主精  
藍十五霜大國八宗今鼎盛建禪門廢仰賢  
王上皇嚮隆之護宗之志經三歲返建長福  
山寢室之後有池池側有松其樹條直一日  
斜偃向室衆僧怪之隆曰備服之人居松上  
與我語我問住何處對曰山之左鶴崗也語  
已不見以其人之居故松偃耳諸徒曰鶴崗  
者八幡大神之祠所也恐神來此耳自此其



徒欄楯其樹名曰靈松徒屬中有流言者因  
此爲甲刈之行北地之胥吏氓黎幸隆之寘  
謫隆亦曰我爲法跨海入此國只周旋皇畿  
俟服而已不遑誘導遠陬也偶罹干讒誣而  
狎干羯獠是我弘道之素也天龍豈有意於  
此乎甲之居猶洛之數又還相主龜谷山六  
群之徒謗切未合再成甲行又還壽福弘安  
元年孟夏歸于福山秋七月示微疾至二十  
四日書偈辭衆而寂闇維得五色舍利其煙

觸樹葉纍然皆綴舍利門人自遠方至者歷  
數十日到華所搜索林木多得舍利隆有所  
持鏡後其徒收之或夢其鏡留隆儀負告  
徒乞見歸歸以觀自在像諸徒傳看異之平  
帥聞之請入府疑其晻曖令工磨治其鏡初  
幽隱經一磨鮮明嚴好大悲之相皆悉備足  
平帥悔謝作禮後寧一山爲記今在肅良府  
奏乞謚賜大覺禪師本朝禪師之號始干隆  
也



贊曰儉約翁應詔于龍山予舊好往來無  
間一日問曰大覺之行有狀乎翁曰吾師之  
道徧天下人人之口處處之碑奚用區區之  
狀乎予曰不然物之磨物也無若歲月金石  
之堅久或消泐翁之所謂口碑者猶其幾而  
已縣時邈歲口碑亦磨吾恐盛業太德之晚  
進者或不耳也予之步徧於福高薰炙翁之  
仲季也猶有未委之處乎翁曰子之好古也  
尚有乏矣況佗人乎余之前言過也佗日誌

歲時令侍僧送付予之編修焉

釋普寧號元菴宋國西蜀人也幼年祝髮  
爰於唯識之講肆歷數歲捨去出峽而南詢  
遍歷諸老到建康之荆山道癯絕冲上堂  
迎覆船僧到雪竇之話舉聞之忽然認得本  
來面目尋登四明之阿育王山住持無準範  
陶鑄四來寧又遇上竺側聞準舉僧問古德  
深山巖崖還有佛法也無德云有如何是深  
山巖崖佛法德云石頭大底大小底小寧云



下如夢覺爾後每逢入室據櫺無礙筆被旨  
上徑山寧侍往一日奉語曰昔演祖請益白  
雲端和尚端云近有數僧自廬山來教他說  
禪也說得下語也得批判也得祖云和尚如  
何端云我向伊道直是未在祖聽此語七日  
忘食味方訖厥有軍聞已無言可對只向未  
在處做工夫自是不室也不下語有時準把  
住曰尋常口勞舌沸如何不下語打一竹篋  
寧當下打破漆桶禮拜已退徐通所悟準曰

汝徹也只是得道易守道難須默默守之又  
又自然感驗也自是如癡似兀而度日準書  
兀菴二太字遺之因以爲號焉寧欲以於蒙  
於癡絕歸省於蔣山準書法語爲介昔紹興  
中應菴華嚴鍾阜大慧果據雙徑天下指二  
老以爲二甘露門端嘉之門二師道與相配  
居處偶同江湖以甘露之稱呼二老之門寧  
往來徑鍾之間既見厭聞從茲聲名籍甚靈  
隱天童皆居第一座適象山靈巖虛席諸山



公舉府帖備來軍不得辭嗣香供佛鑑鑒寄  
法衣信書慰諭切當次遷常州無錫兩所住  
持不失家法其在象山逢結夏示衆曰諸方  
安居結制靈巖結制安居雖是一般規矩於  
中大有差殊作麼生趙州東壁掛葫蘆在無  
錫徑山偃溪訪及寧謁鼓上堂曰東澗水清  
且此源遠流長波騰鼎沸從這裏入不知其  
幾是則是只如國一禪師經過梁溪暮將四  
洲大聖鼻孔一捏直得無處出氣為復歷良

猶或作橫

為賊為復神通遊戲云又君子可八寧提唱  
斬絕諸方稱之時宋地北虜犢放雖寺院輒  
受虐偶本朝道舊講五峯之法義屢附商舶  
時時聘招景定二年庚申泛滄海順帆不艱  
速達博父宮聖福示即文應元年也尋至帝  
都東福聖一迎接掃客位延之待遇甚渥京  
師緇素奔波瞻仰副元帥平時賴聞寧道價  
迂歸相陽寓止巨福山住持蘭溪隆者寧之  
蔣山舊友也相見喜慰勞問副帥信嚮日煥



漸命令正位於座太寧進十五偈力辭副帥  
益堅不得已即真禪規整濟辦令積密東方  
叢社指爲法窟副帥軍勢之暇常入山問道  
不幾棄悟寧以偈印曰老僧初到與三卷埋  
恨胸中結此冤痛恨忽消開正眼方知吾不  
妄宣傳經歲學徒益盛海衆之中黨法義者  
以違境撼之寧急率不羈勇退鳴鼓告衆曰  
無心遊此國有心復宋國有心無心中通天  
路頭活舉杖云拄杖頭邊挑日月合國勸留

堅執不允寧初赴本朝海龍現檣上捧七大  
寶珠舉衆仰視嘆未曾有寧未來朝之前二  
年平副帥夢一僧慈相嚴順教曰公勤參禪  
覺後繪所夢像供養及見寧與夢像無少差  
是以敬嚮無比逮退歸其子時宗領副帥差  
部從送到西府文永二年也風帆無恙達明  
州無何省劄主務之雙林兵艱之餘院宇毀  
頓厨庫索然寧分衛賑衆不久捨去漫游江  
浙晚住温州江心龍翔寺至元十三年十一



月二十四日寂有嗣法大夢和尚法孫遍閩  
楚寧為侍讀提史端明尤煇所知木石先生  
者也煇晚宋名儒觀大慧語脫然契證故與  
我門諸師語意冥符宋季諸老語錄多所題  
跋書寧之語尾曰叢林傑出正續具傳云  
贊曰元菴周旋徑蔣之間解悟具正抱此偉  
器遊化上邦我國俗渴聞甘露者久矣仰密  
雲希師注者不鮮矣故副元帥平公軍國公  
務之劇早飫飲而取足而已然遇六群之猖

獼作一錫之返飛雖斯方之不幸又彼真率  
之所為也昔墨摩出東迦夜歸西竺乾之良  
匠猶不能無維桑之思當困阨憶家鄉又人  
情之常乎嗚呼佛果住雲居猶有圓悟高菴  
之黨焉況澆季乎而夷險共容不涉于懷者  
至人之量也庵也曷易動乎哉

釋了然號月峯京兆人也始仕進為大學博  
士有名于貴族俄拋冠幘接心真乘適聞大  
覺道譽肩錫東往謁于福山親炙者久覺稱



其純精命以板首正嘉之元住相之柄樂寺  
今改上堂曰在耳曰聞在眼曰見一點靈光  
萬化千變靜則月印寒潭動則波生水面佛  
性與精魂不隔一條線諸人還鼎省麼從來  
濁富不若清貧解夏曰九旬法制已圓成借  
問寒山作麼生皎潔直饒同滿月更須撒手  
暗中行臘八值雪曰今朝臘八好時節不見  
明星惟見雪露地白牛在目前象王行處狐  
蹤絕說迷說悟孰區分且喜來年蚕麥熟這

裏有欠猶未惺惺迎老子若為說臨終偈曰  
七十一  
年  
夜  
夢  
紛  
然  
一  
旦  
覺  
來  
有  
何  
事  
水  
在  
澄  
潭  
月  
在  
天  
有  
幾  
其  
語  
入  
宋  
地  
者  
南  
屏  
衍  
石  
悅  
乳  
靈  
雲  
希  
叟  
著  
語  
稱  
讚  
云

釋普門玄悟房國師院字龜岑開化人始游講席後至慧日

機語投契又踰海依附淨慈倫斷橋歸朝居  
北土弘安四年照東山浪慧峯藤丞相招門  
補席嗣香供聖一正應之間文應上皇在龍  
山之離宮恠存作嬪妃迎慰或年少冠纓



或亦魘之朝議紛紜或曰此地妖怪自舌而有非佛居不可時南京睿尊有戒行譽救棲宮闈尊率二十沙門晝夜誦密咒而妖怪不止專辭而避之或白門德望召對下宮宣以宮怪又曰師能居之乎門奏曰妖不勝德世書尚有之況釋氏乎釋子之居何怪之有上皇壯其言門乃挈衲子而居只禪坐而已又孔淡矣然妖怪阻上皇自是傾心宗門救爲開山祖便禮門受伽梨鉢多四年冬門病東

福上皇入寺問疾門老病八十諸醫皆言者回不作上皇私念宮怪銷伏或恐禪家之通効也不必獨門之有也我見寂迹定門之德業兼探心宗之云爲耳以故日夕幸寢室綺紈與壤衲相交十二月十二日書偈安祥而坐化上皇益固心禪門賜謚佛心禪師釋德儉相列人也始其母棄鑪倉縣之路傍或叔育福山之側稍長與群兒入寺虞游木覺見之器許乃就家乞之納爲弟子自此倫



輦推重又入宋地周游吳越一時名宿多所  
親附歸來省覺益增智證永仁三年府帖領  
本郡長勝寺乳香報干覺也次移東勝淨妙  
禪興建仁建長文保元年南禪寧一山寂建  
治上皇勅元帥府召儉二年冬來董山務上  
皇渥禮遇其數利提唱學者傳誦據室曰正  
令全提佛祖斫額抑下威光有禮有樂正旦  
上堂曰昨日萬物咸舊今朝萬物咸新細看  
迎新送舊元來無疏無親拈起主木上座莫

拈起主

木上座莫

有墮新舊遷變去也無下卓一千古黑黧皴萬  
年一般春上堂曰向上一路千聖不傳誰家  
竈裏無煙向上一路千聖不然脚下地頭上  
天無孔鐵錐當面擲元來不直半文錢擲拂  
下座元應二年五月十九日書偈辭衆化年  
七十六病中賜號佛燈國師  
贊曰建長正嘉之間此方禪語未醇矣月峯  
於是時提唱可見蓋有德者必有言之謂乎  
無閑也枯禪自如云官怪自沮云秦對之言信云



哉約翁者其大覺之墳愛乎

元亨釋書卷第六



慶長十七年正月後五日念二日亥辰於灯下寫し加す

洛陽寂光教寺註量坊純長旦允 四九



